



Universitätsbibliothek Paderborn

**Gallia Vindicata, In Qua Testimoniis Exemplisque
Gallicanæ Præsertim Ecclesiæ, Quæ Pro Regalia, Ac
Quatuor Parisiensibus Propositionibvs A Ludovico
Maimburgo, Alijsque producta sunt, Refutantur**

Sfondrati, Celestino

[Ort nicht ermittelt], MDCLXXXVIII.

3. Vicarijs ab Apamiensi Capitulo electis alij à Tholosano Archiespiscopo
oppositi, sed nullo jure. Nova, & sæva persecutio.

urn:nbn:de:hbz:466:1-38277

æquè illos angebat, quām quòd viderent, Beneficia titulo Regaliæ perinde ac si Ecclesia vacâset, indignis conferri; quæ pœna nova omnino erat, & nunquam audita: nec tam Episcopos, quām Ecclesiæ, Deumque spectabat, ingenti animarum clade. Quippe Episcopus Apamensis Canonicos suos sub Regula D. Augustini ad illud vitæ genus reduxerat, quod in primitiva Ecclesia olim florebat, abdicatis videlicet patrimonij, & nullâ temporalium curâ. Toti ergo in animarum salutem, & virtutes incumbeant eâ professione dignas; nec major alibi, quām in ea Ecclesia ardor sanctitatis. At verò Antistite rebus suis spoliato, alij ex delectu Regij Confessarij catervatim irruerant, non animarum, sed honoris, quæstusque avidi, quique assumptâ tesserâ, bilaris societati, ludis, epulisque, & amatorijs cantibus noctes ducebant, ac illis ipsis, qui eos delegerant, pudori erant. Ergo, ut dixi, nova hâc, nullisque sæculis auditâ pœnâ non tam Episcoporum culpæ, si que fuerant, quām Ecclesiæ plectebantur, & majori animarum, quām facultatum damno; crevítque malum Episcopi morte. Is arumnis confessus est, cùm prius ad Regem litteras dedisset, quibus rogabat, monebatque, pulcherrimo Libertatis & reverentiæ temperamento.

III. Expletis funebribus, & corpore in sepulchrum illato, Capitulum convenit, & Vicarios Generales, dum novus Episcopus optaretur, Daubaredum, & P. Rech elegere. Daubaredus cum Archiepiscopum Tholosanum convenisset, humaniter acceptus est, permisusque officio fungi: datae eriam ad Regalistas litteræ, quibus monebantur, ut contenti proventis accipere, sacris officijs in Ecclesia Apamensis abstinerent, ne materia novis tumultibus præbereretur: quod cum illi neglexissent, adeſtenteque Vesperis, Daubaredus defuncti Antistitis vestigis, & exemplo inhærens, censuris obstinatos perstringit, nec multò pòst exilium illi, & carceres decreti, imperio Regis. Eadem fortuna Recho fuit. Is ad Aquas Augustas (vulgò Acqs) relegatus haud procul Burdigalâ; quò cum pervenisset, ad carceres raptus est à Præfecto Aquitaniæ, tamque inclementer habitus, ut ne panis quidem suppeteret, præter buccellas à militibus mendicatas. Cerles Capituli electione Daubaredo suspectus est; sed isto velut usurpatæ potestatis ab ijs

M accusato,

accusatō, qui nuper anathemate percussi fuerant, Archiepiscopus Tholosanus Fortassinum quendam suum eleemosynis p̄fēctum Vicarium Generalem, ac Officialem jubet. At Cerles libello palam proposito dignitatem suam vindicare, Archiepiscopo iustitiae notato; quippe nullum Metropolitano in Dicecesin vacantem jūs esse, nisi Capitulo aut negligentia, aut malitia delinquentē. (a) Neutrū verò contigisse: aut si quae esset, vocandas partes, causamque, & factas Vicariorum electiones examinandas fuisse, pro qualiter valore jura p̄fūmant, nisi contrarium probetur: nunc verò nec vocatis partibus, nec exploratā causā, electiones subverti, electos turbari, & alienos, ignorosque submitti, sicut Ecclesiam Apamensem recentibus adhuc lacrymis, viduāmque, novo schismate funestari: niti Archiepiscopum, ejusque sententiam vanis rationibus, & ab adversario suggestis, videlicet, invalidas fuisse Vicariorum electiones; quippe Regalista quodam (b) p̄aeterito; ceterū hunc nominatum excommunicatum fuisse, tanto censure neglectu, ut ne absolvī quidem curāset: p̄aeterā neque ex numero Capitularium esse, quippe alterius instituti socium, & Canonicorum Regularium vitam ne Tyrocinio quidem expertum; non ergo ad Conventum Regularium vocari debuisse, nec ejus absentia electiones irritas fieri. Hæc à Vicario Apamensi tanta ratione dicebantur, ut negari haud possent; & planè Archiepiscopum Tholosanum movere, ut Fortassino suo personam adimeret, tam male in theatro comparentem: quæstū tamen colores, artesque aulis notæ celando pudori; cum enim exilia, carceres, prædationes, equitum turmæ, & quidquid in hostes parari solet, nullo sacrorum Ordinum, & Canonicorum, ac sexus discrimine admoverentur, & reos faceret vel sola amicitia defuncti Antistititis; Fortassinus velut tædio ærumnarum, & quod coactum se dicaret, Vicariatu abit: ipsæ sacræ Virgines oblatum à Fortassino Confessarium recusârunt, mallese, dicentes, semel in anno ad Ecclesiæ prescriptum expiari, quam ignoto, intrusoque subiici: tanto majori dedecor, quod à fæminis, & ideo procul vindictam. Fortassino solum vertente, novum à Parlamento Parisiensi decretum, quo Canonicæ Apamenses intra triduum convenire, & viduæ Ecclesiæ Vicariorum

(a) cap. Ecclesiæ. de suppl. negl. P̄lat. in 6. juncta Gl. (b) Vulgo M. sc Juge.

rium dare jubeantur, nisi facerent, Metropolitanum suppletum: nec multò pòst Tholosanus Archiepiscopus resribit: *Quia ex Parlamenti prescripto Canonici Apamienes non convenient, nec Vicarium vacanti Ecclesia dedissent; se vices negligentium supplere, & Episcopum Leonensem Vicarium designare.* Recusavit Leonensis, noluisse implicari tam feodo operi; cùm enim ad Episcopatum Apamensem multò Leonensi opulentiorem nominatus à Rege esset, jam se itineri Parisios accinxerat, viamque inierat, ignarus videlicet omnium, quæ Apamijs contigerant. Ubi ea intellexit, iter continuò vertit, recusavitque generoso contemptu infulas tam indignè jaçatas. Cùm ergo Vicarij alij deessent, is, qui crucem Archiepiscopo præferre solebat, Vicarius datur, perinde, ac si ejusdem momenti res esset crucem præferre, & Ecclesiam regere. Cæterum tam inconcinnè hic iudicis agebatur, sive is casus, sive imprudentia fuerit, ut nemo risu temperaret, artificio nimis patente. Jubeantur Apamienes Canonici intra triduum convenire, cùm tamen constaret aut inclusos, aut proscriptos esse, totamque Galliam exilijs implere; qui ergo convenientire? & tamen velut neglexissent, novis à Tholosano Vicarijs eorum Ecclesia gravabatur, exauktoratis, quos nuper, validèque elegerant; ligati ergo, retentique jubeantur incedere, & quia non poterant, poenas dabant, velut contumaces, inertesque. Quid rogò apud Americos Brasilijsque fieri poterat inclemens? & tamen factum est aliud, quod nulla Posteritas credet, & Gallia factum inhorruit. Johannes Cerles Capituli eleccione Daubaredo, & Recho Vicarius successerat, nec dubitari poterat, quin legitimus esset, Tholosano, ut vidimus, nullo jure obnitente, accessitque Romani Pontificis confirmatio, Tholosanum intentato anathemate prohibentis, ne quietum turbaret; at hoc ipsum, quod remorari tantum Præfulem debebat, multò magis accedit. Scribit Parlamento Tholosano, ut in Cerlen, ejusque pertinaciam inquirat, cùmque eâ poenâ plectat, quæ aliquis exemplo terreat, & obedientiæ moneat. Nemo dubitabat ijs verbis ultimum supplicium innui; nec tamen aliâ culpâ gravabatur, quam quod innocens esset, & juramenti Ecclesiæ suæ, ac Pontifici Romano præstiti memor, retinensque; omnes ergo judicium recusabant, in quo aut damnari innocentia, aut offendì Tholosanus deberet. Addun-

M 2

tur

Gallia
Indicata
G

tur aliae, & ferociores litterae, quibus ignaviam, morasque incusabat, urgebantque judicium felinari. Territi Judices, & dicta sententiæ dies. Adfuit Archiepiscopus, & vultu minaci, ac funesta promittente aulam invectus, vehementi oratione in Vicarium Apamensem declamavit, eo digresso, omnium votis damnatus ad mortem est. Ferunt ex judicibus unum assurrexisse, & his verbis collegas allocutum: *Nemo deinceps magnam timoris vim, mirumque esse negaverit: ecce enim, quem omnes innocentem creditis, omnes damnatis!* Nec clementior executio fuit, cum enim Vicarius aut lateret, aut dilapsus esset, ejus simulacrum paleis, & centonibus suffultum, & ne quid ludibrio abesset, religioso amiculo testum plauso impo- nunt, totaque Civitate circumducunt, & tandem eo loco, quo puniri solent malefici, aut laqueo, aut gladio finiunt: nihil poterat Londini, aut Genevæ saevius fieri; sed omnia superabat, Religiosum, & Sacerdotem plesti accusante Archiepiscopo: nec facile par exemplum reperies; haec tenus enim veniam reis impetrare, non urgere supplicium, Episcopis mos erat, nisi forte plus in hominem innocentem, quam reum licebat, & quod Romæ absolutus esset, delictum onerabat. Additum sententiæ fuerat, ut effigies Joannis Cerles magni Vicarij, Apamijs, aliquique præcipuis Ecclesijs eodem supplicio afficeretur, quod etiam factum: illud Apamijs contigit memoratu dignum, ut videlicet Lictor Apamensis nocte intempesta cum uxore aufugeret, ne se tanto facinore impriaret; adeo ultimæ etiam fortis homines pudebat tam indigna sententiæ.

IV. Hæc in Gallijs, & præsertim Tholosano Archiepiscopatu agitantur; quibus ab Archiepiscopo Parisensi non dispar in forcunum acceferat. Caronæ Vico agri Parisini Monasterium visitur: illuc sacræ Virgines degunt, Congregationis B. Virginis Ordinis Canonicorum Regularium S. Augustini, Auctore Petro quodam Fourier ejusdem instituti viro, & notæ in Lotharingia pietatis. Earum aliquæ bellis Lotharingiam vastantibus in Belgiam migrarunt, ubi cùm Aurelianensi Ducissa insigni morum innocentia placuisse, eandem extinto Richelio Cardinali in Galliam comitatæ, haud procul Parisios confedere; illic suis sumptibus Monasterium Ducissa exerat, (a) & dote instruxerat,

(a) Anno 1643.

impeta-